



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

X. Die Ivlii.

**urn:nbn:de:hbz:466:1-9625**

recordationem nominis *MARIÆ* constabilitus, & inflammatus, in hæc erupit: Ergò ad honorem *MARIÆ* ingredi Societatem; ad honorem inquam *Dominae* meæ *Virginis MARIÆ*. Et fecit; Deiparæ Angelisque vnice in Societate addictus, ac vota in horas instaurans. Die immaculatæ Conceptionis *B.V.* magnis obsequioli filij officii Deiparam colere ac illam pro matre habere, optabat, & hoc donum sibi dari à Deo per illam petebat. Mox exardescens vouit se id facturum in omnibus, *quod magis Deo placere videbitur*. In Mexico multa passus est ab importuno Dæmone, à quo malè tractabatur, sed quem ille ridebat. Christus aliquando illum redarguit, quòd in passionis mysteriis expendendis, haud satis diligenter versaretur. Anno 1622. 18. Dec. de *B. V. Matris* expectatione recitans officium canonicum, visus est sibi à iacente in *MARIÆ* utero *IESU* infantulo hæc audire: *Mi sacerdos*. Proximo ante mortem die rogatus, quid eo tempore illi afferret plurimum leuamenti, conticuit & mox mediatè sic respondit: *Præsidium Beatissimæ Virginis*. Cuius opem aiebat se in minimis etiam quibusque rebus expertum. Eodem die ac anno extinctum scribunt aliqui *P. Laurentium Massorium*.

Singulu ho-  
vis.  
B.V.

Deo placere

Christi Pas-  
sio.

B.V.  
Iesus.

B.V.

P. CAROLVS  
CLVSELLVS.

**D**Emissione suâ, & pleno sincera charitatis candore, atque modestia, in ipso vultu quandam Sanctimoniam syngrapham præseferbat, omnia interpretatus è genio charitatis. A Sanctis Angelis monitum affirmant, vt sacra pro ægro quodam suæ Congregationis *Marianæ* sodali sexies procuraret, fecit & sodalis conualuit. Apud ægrum alium recitatis Deiparæ litanis repentè à sensuum vsu alienus factus videbatur, iis, qui aderant admiratis; & mox ægrum efficacitate magnâ hortatus est, vt accersenti se Deo lubens pareret, mortem illi prædicens, licet tunc nihil dum fuerit obnunciatum à Medicis. Mercatori prædixit, ægrum filium illi à Deo concessum ad vitam hortatus item est vt cogitationi de factis ordinibus suscipiendis conceptæ morem gereret. Pro Rancæo Senatoris filio per artes diabolicas muto, sacris operatus est, & illi vi diuini sacrificij aiunt redditum loquendi facultatem. Tremebat iudicia Dei, licet Virgo, & innocens. Hodie pro diuino sacrificio se parantem apoplexia, & mors consecuta oppressit: ac exequiæ magnâ sanctum illum appellantis populi frequentia peractæ.

Gallus Bur-  
digalæ 9.  
Iulij 1630.

Charit.

Sodali B.V.  
Angeli Sa-  
cra.

Hispal-  
Debor-  
10. Iul-  
1594.  
34. 80.

Fidel.

Sacrum.

X. DIE IVLII.

P. PETRVS  
SILVIVS.

Belga 10.  
Iulij Mo-  
guntiz 1571.

**H**ic Romæ Adolefcens à domestico quoque iam illius simplicitatem abuso contra *S.P. Ignatium*

tentatus, cum ab errore propè abesset acerbissimo mentis ac sensuum stupore correptus, stipitis, aut saxi instar hærebat. Illo torpore leuatus agnouit culpam, lachrymis diluit, & malum omne euauit, Vnde illum vigilantis pro superioribus diuinitatis instin-  
ctum

Obedientia.

B.V.

Mori.

Cassia.

tum fuisse credidit, vt obedienter se subderet, nec se à serpente vlllo in Paradiso seduci sineret. Postea mirabile, atque amabile demissionis, obedientiæque documentum per Italiam, Bohemiam, Germaniam, Belgium factus Laynij, & Polanci amanuentis, inferiorum, ac deinde superiorum disciplinarum magister, ad græcam, ac latinam eruditionem, ad confessiones domi, forisque, ad studiorum præfecturam, ad quidquid vbiicumque adhiberetur æquè promptus ac idoneus errorem illum persanè luculentis magnæ virtutis exçplis affatim expiauit.

P. G V N D I S A L V V S  
D E T A P I A.

Hispanus  
Deboropæ  
10. Iulij  
1694 ætat.  
34. Soc. 18.

**I**Ntra 17. dies barbarum Cicimecarum idioma perdidit, charitate memoriam sustentante. Primus nec sine fructu lætabili peruolauit ad culationem Topianæ gentis, quæ homines vorat, ceruos, cuniculos, aquilam, nouaculam è silice formatam, variis temporibus adorat. Cinalocenses, deinde instruxit; vbi & ingenia mitiora, & terra bis quotannis frugifera; vbi fur, aut mendicus nullus. Ad vicinos efferos homines missus, cum P. Martino Paëz breui duo millia capitum baptizauit; & viginti, aut plura, templa condidit. Nacabeda senex quispiam libidinibus fœdatus, eoque monitoris, impatiens, Gundisaluum, cum Deiparam è rosarij serie ac formulâ salutaret, callidè aggressus, adduxit eò sicarios; quorum vnus clauam in Gundisalui caput impressit, ac Iesum clamanti brachium alij, & caput amputarunt. Coorto terræ motu, Ethnici ad eius tumulum cum donis supplices adire. Sicarij fassi sunt; eum idcirco, cæsum, quod è suo illo Euangelio castitatem prædicaret, atque vr-

geret. Post mortem spectatus est foeminæ, quam conuerterat, in aurea domo, cuius vestibulum duo adulescentes lucidi occupabant. Illuc visus est permultos introducere Gundisaluus. Perebat & illa eò ab illo, ceu noto suo ac spirituali olim Patre, admitti, atque induci: at Gundisaluus; Nec dum, inquit, est tempus: neglexisti plura quæ à me didicisti. & particulatim in confessione hoc atque illud (& quædam illi peccata singillatim suggererebat) omisisti. Euigilauit illa: & accersito quodam è Societatis Patribus, tam ea quæ viderat, quam deinde omnia totius vitæ peccata, nullo voluntariè prætermisso, sincere aperuit.

Mors.  
Calumnia

Domus associata.

Disce à mortuo.

Confessio.

P. A L P H O N S V S  
D E A R A G O N A.

**N**Eapoli natus, & in Societatem cooptatus, B. Aloysij planè viua effigies ab iis qui vtrumque nouerant habebatur. In Paraquaria scholas; & sodalitia mirificè administravit. Apud Vruagenses templum S. Nicolai eidem Sancto impensè commendauit; & mirum fuit, illud ignem ab hoste irruente sæpius diligenterque iniectum non concepisse, licèt ardente sole ac siccâ idoneaque igni materiâ. Labores, pericula, cæli iniurias non narro, quia passim nota. Puerum horridis vlcibus coopertum ipse abluit sine stomacho, purgauit, procurauit. Liberalis erat erga pauperes etiam in illa tenuitate, ac penuria: & circumferebat secum descriptum in scheda illud Prouerb. 28. 27. *qui dat pauperi non indigebit: qui despiciit deprecantem sustinebit penuriam.* Portabat secum & formulam votorum: cui hæc latinè ad calcem adiecit arcanis notis: *spiritu corde, practicè nostrum institutum prosequendum*

Hispanus in  
Paraquaria  
1619. ætat.  
44. Soc. 27.

S. Nicolaus.

Charitas.

Vocatio.

Mortific.

Oratio.

B.V.

quendum; & ad id affici debes tanquam ad Dei domum & inuentum. P. Nicolaus Duran Prouincialis auditio illo, in ratione conscientia dicit ad socios: Arcanum, & ignorum thesaurum in Alphonso latere. Cædendo se inclementer, vulnera sibi alta infixerat, & quibus vermes etiam erumpere deprehensi. Ita patiendi Domi & foris auiditate inclutus, orandi potissimum efficacitate ad miraculum prorsus excelluit: quippe qui dicatur etiam à B. Virginis aede incendium orando auertisse. Cum enim congesta, pro extruenda B.V. sine macula conceptæ fabrica, materia ignem iam imminere videret, procumbens in genua; Ne patere, ait, ô Domina, ô mater, ne patere vt comburatur hæc materia tuo templo destinata. Stupuere omnes, qui aderant, flammam statim retrorsissis quæ proxima imminabat. Fertur & absentia ex vero dixisse. Coram B.V. imagine se abiiciebat in genua, & è forma, quæ se illi anno 1602. mæciparat aliisque tenerioribus illius opem implorandi modis in charta meditate descriptis, totum illi *Cor* suum explicabat.

P. DIONYSIVS  
DE SANNOIS.

Belga Audomari. 10.  
Iul. 16 2.  
ætat. 52.  
Soc. 32.

DE illo sic litteræ: Pater è nostris cui dum viueret, fuerat perfamiliaris, è flammis iustalibus illi se videndum præbuit. Eius congressus, &

colloquium auxit, & cumulanit desiderium iuuanas purgantes; item illum strenuè incitauit ad virtutes amplectendas tibi ab illo amico didicit, viros religiosos tormentis atrocibus idèd torqueri, quia diuino obsequio, & proximorum saluti procuranda parum fuere addicti. Alia epistola de illo sic habet: Eluxit in eo orationis amor, & virtutum humilitatis, patientia, in superiores obseruantia ac animarum iuuarum singulare desiderium, maximè ex quo vnus è nostris in Purgatoriis ignibus detenti sibi olim familiarissimi fructus est colloquio & conspectu. Ab eo nimirum didicit quàm multi religiosi in alia vita torqueantur, qui segnius Dei, & proximorum spirituali obsequio sese dedidère.

Potissimū verò quod inde perceptum ille tum alijqui rem (etiam ad nos Romam tunc anno 1642. à P. Florentio Montmorencio perscriptam) intellexere, fuit flagrans ac exquisitum studium ægros in agone vltimo accuratè acscitè iuuanas: quos anima illa dicebat enixè adiuuari ab animabus illis à Deo conspectu adhuc exulibus; sicut Angeli suis in morte clientibus fideles assistunt. Idem agere animas vnà cum Angelis. Addebat verò, hoc animarum ad æternam salutem iuuarum munus esse excelsum, & admirabile coram Deo. *Estq;* inquebat, *magnus ille in Societatem Iesu Dei affectus, quod illis viatur tanquam adiutoribus & ministris ad salutem animarum.*

XI. DIE.

A.P. Philippo du Boisson.

Zelus.

Purgator.

F. Philippi du Boisson.

Zelus. Animar.

Charitas.

Mortification.

Gallus Iulij in gro Ca roraCter 1591.

Confessio.

Sacrum.

Gallus ginnæ Iulij 1607.

11. Iulij lus To 1607, a 4c. Soc.

Confessio.